



ՌԱԶԱՏՈՒՐ ԱՐԴՎՅԱՆԻ ԱՐՎԱՆ
ՀԱՅԿԱԿԱՆ ԴԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԴԱՆ
Ո Ե Կ Տ Ո Ր

06.06.2018.
No 22/0218-515

Ստացառույր Աբովյանի տնվան հայկական պետական մանկավարժական համալսարանի PFL-ում գրանցված գիտական լոթ պարբերականները համալսարանի գիտակրթական գործադրանքն ու առաջընթացին նպաստող կարևորագույն հարթակ են, որտեղ երիտասարդ և ավագ տարիքի գիտնականները պարբերաբար հոդվածներ են տպագրում իրենց գիտական և հետազոտական ուսումնասիրությունների արդյունքների մասին:

«ՀԱՅԱԳԻՏԱԿԱՆ ՀԱՆՐԵՍ» պարբերականի հերթական համարը հորեյանական է. 40-րդ համարի հրատարակումը փաստում է պարբերականի անցած ճանապարհի ու կենսունակության, նրանում տպագրվող լեզվաբանական, գրականագիտական, մանկավարժական ու մշակութային ուղղվածության հոդվածներում վերստին հրատարակվող խնդիրների, խմբագիր-ընթերցող ամենօրյա կապի, ցանքի ու գործունեության կարևորության և արդյունավետության մասին:

Հայագիտություն, անշուշտ, մերօրյա մարտահրավերներից է, որի համատեքստում զբվող յուրաքանչյուր ոգրամիտ հրապարակում ոչ միայն մերօրյա է, այլև միշտ արդիական ու պահանջված:

Այս տեսանկյունից դիտարկելով պարբերականի իրողությունը ժամանակի մեջ և համալսարանի առարկայում շնորհավորում եմ հորեյանական համարի լույս ընծարման կապակցությամբ ու մաղթում եմ նրան 21-րդ դարի իսամեռուն ընթացք և դերակատարություն:

Ռ. Արամյան
ՌԴԻՐԵՆ, ՄԻՋԱՄԱՐԱՅԱՆ

ԽՄԲԱԳՐԱԿԱՆ

Հարգելի՛ ընթերցողներ, Ձեզ ենք ներկայացնում «Հայագիտական հանդեսի» հոբելյանական՝ 40-րդ համարը:

Իր կենսագրության ավելի քան տասնամյա գործունեության ընթացքում հանդեսը տպագրել է հայագիտության ամենատարբեր հարցերին նվիրված հարյուրավոր հոդվածներ:

«Հայագիտականի» էջերում հանդես են եկել բանասիրության, պատմության, մշակույթի, մանկավարժության՝ հանրապետությունում ու արտերկրում հայտնի անվանի գիտնականներ, որոնց հոդվածները խիստ օգտակար են եղել նաև բակալավրիատի, մագիստրատուրայի ուսանողության, ասպիրանտների ու հայցորդների համար:

Անվանի գիտնականների կողքին ու նրանց երաշխավորությամբ հանդեսը տպագրել է նաև մագիստրոսների, ասպիրանտների ու հայցորդների հոդվածները: Վերջիններից շատերն այժմ գիտությունների թեկնածուներ են և աշխատում են հանրապետության, Արցախի, արտերկրի բուհերում ու կրթօջախներում:

Հարգելի՛ ընթերցողներ, «Հայագիտական հանդեսն» այսուհետև ևս իր էջերը տրամադրելու է հանրապետության, Արցախի, արտերկրի անվանի մտավորականներին, իրենց գիտական առաջին քայլերն անող երիտասարդներին:

Աշխատանքների բարելավման նպատակով հանդեսն անչափ կարևորում է Ձեր առաջարկությունները, որոնք սիրով հաշվի կառնվեն...

«Հայագիտական հանդեսը» իր գոյության 15 տարիների ընթացքում ունեցել է որոշակի ձեռքբերումներ: Բացի տարեկան կանոնակարգված թվաքանակից՝ այն ունեցել է բազմաթիվ հոբելյանական համարներ՝ նվիրված Խ.Աբովյանի անվան ՀՊՄՀ-ում դասավանդած նշանավոր լեզվաբաններին, գրականագետներին, մեր ազգի նշանավոր գրողներին:

Հիշենք 2007-ին լույս տեսած և Խ.Աբովյանին նվիրված համարը, որը նշանավորում էր Հայաստանի մանկավարժական մայր բուհի հիմնադրման 25-ամյա հոբելյանը:

«Հայագիտական հանդեսում» իրենց առաջին գիտական քայլերն են կատարում ասպիրանտները, հայցորդները, նաև՝ մագիստրոսները: Նրա էջերում արժեքավոր գիտական հոդվածներով հանդես են գալիս բուհի դասախոսները:

Հարուստ ավանդույթներ ունեցող նման հանդեսի գոյությունը նշանակում է պահպանել սեփական գիտական մտքի առաջընթացը պատկերող հայելին:

Սրտանց շնորհավորում եմ հանդեսի հոբելյանը և մաղթում նորանոր հաջողություններ ու ձեռքբերումներ:

ԱԵԼԻՏԱ ԴՈԼՈՒԽԱՆՅԱՆ

հայ հին և միջնադարյան գրականության
և նրա դասավանդման
մեթոդիկայի ամբիոնի
վարիչ, ՀՀ ԳԱԱ թղթակից անդամ,
բան.գիտ.դոկտոր, պրոֆեսոր

Մեծ սիրով շնորհավորում եմ Խ. Աբովյանի անվ. ՀՊՄՀ գիտական պարբերականներից մեկի՝ «Հայագիտական հանդեսի» 15-ամյա հոբելյանը:

Տասնհինգ տարի շարունակ «Հայագիտական հանդեսը» ծառայել է իր առաքելությանը՝ գիտական լայն շրջանակներին ներկայացնելով հումանիտար գիտությունների ամենատարբեր ոլորտների ուսումնասիրություններ: Հանդեսի առաջնահերթություններից է հայագիտության տարաբնույթ հարցերի արծարծումը՝ նվիրված հայերենի զարգացման տարբեր շրջաններին, գրականագիտության արդիական խնդիրներին: Հոբելյանական հանդեսը սուկ գիտատեսական բնույթի հոդվածների շտեմարան չէ. այնտեղ իրենց լուսաբանումն են ստանում դպրոցական և բուհական համակարգերի մեթոդական տարաբնույթ հարցեր, որոնք մեծապես օգնում են ուսուցչներին, ուսանողներին և պրակտիկանտներին:

Հանդեսը լայն ճանապարհ է բացում հանրապետության տարբեր բուհերի մագիստրոսների, հայցորդների և ասպիրանտների համար, որոնք կամուփին նվիրվում են գիտությանը՝ իբրև ասպագայի տաճարական քրմեր:

«Հայագիտական հանդեսը» իր հմուտ խմբագրի և խմբագրակազմի նվիրված աշխատանքի շնորհիվ լայն ճանաչում է ձեռք բերել հանրապետության հայագիտական ամբիոններում և կրթական հաստատություններում:

Բարի՛ երթ և նորանոր բարձունքներ եմ մաղթում «Հայագիտական հանդեսին» իր ազգանվեր առաքելության ճանապարհին:

«Հայագիտական հանդեսին» թղթակցող և նրան մշտապես հավատարիմ՝ բան. գիտ. դոկտոր, պրոֆ. **Լ.Մ.ԽԱՉԱՏՐՅԱՆ**

Յարգարժան Պրն. Գիլաւեան,

Մեծ ուրախութեամբ եւ հրճուանքով կը շնորհաւորեմ «Հայագիտական հանդէս»ի 15 ամեակը եւ յոբելենական 40-րդ թիւին հրատարակութիւնը:

Գիտական լուրջ հանդէս մը, բազմազան բովանդակութեամբ, հրատարակելը պատասխանատու գործ է, որ դուք կրցած էք կատարել ամենայն լրջախոհութեամբ:

Հանդէսի առաքելութիւնը կը շարունակուի, պէտք է շարունակուի բեղմնաւոր իրագործումներով:

Պրն. Գիլաւեան վարձքդ կատար, վաստակդ արդար, գրիչդ դալար:

Անկեղծօրէն՝ **ՅՈՎՍԷՓ ՆԱԼՊԱՆՏԵԱՆ** (Լոս Անճելըս, ԱՄՆ)

Մեծարգոյ Պրն. Գիլաւեան,

Գլխաւոր խմբագիր՝ Խ. Աբովեանի անուան

Հայկական Պետական Մանկավարժական Համալսարանի

«Հայագիտական Հանդէս»ի,

ԵՐԵՒԱՆ

Յարգարժան տիար ու սիրելի գրչընկերներ,

Հոգեկան մեծ հաճոյքով եւ իմացական խորագոյն ընկալումով կը հետեւիմ Ձեր խմբագրած ՀԱՅԱԳԻՏԱԿԱՆ ՀԱՆՐԵՍի նախորդ ու ներկայիս մամուլի տակ գտնուող յոբելենական 40-րդ համարին արժէքաւոր բովանդակութեան:

Արդարեւ, անուրանալի իրողութիւն մըն է այն կարեւոր ներդրումը, որ սոյն Հ. Հանդէսին շուրջ բոլորուած աշխատակիցները միասնաբար կը կատարեն յոյժ գնահատելի աշխատանք մը՝ հայագիտական բազմաճիւղ բնագաւառներէ ներս:

Սոյն Հանդէսին հրատարակութեան 15 ամեակին գուգաղիպող ներկայ 40-րդ համարը կ'ողջունենք մեծ սիրով ու հաւատքով: Բրբեւ սփիւռքահայ մասնակից մը անոր խմբագրական կազմին, մօտիկ ապագային կը խոստանամ կարելի չափով ներկայացնել նաեւ էջեր սփիւռքահայ գրական եւ հայագիտական մտածողութենէն:

Շնորհակալութիւն Ձեզի՝ Ձեր երախտաշատ աշխատանքին համար:

Մշտական բարեկամութեամբ՝

ԱՐԱՄ ՄԵՓԵԹՃԵԱՆ (Պէրոյթ, Լիբանան)